



卷十五

冕服
衮冕

冕服

十二章之服

大裘而冕

書曰天命有德五服五章哉又曰予欲觀古人之象日

月星辰山龍華蟲作會宗彝藻火粉米黼黻絺繡以五

色作服汝明孔氏曰日月星為三辰宗廟彝尊亦以山龍華蟲為飾火為火字粉若粟米米若聚

周禮典絲凡祭祀共黼畫組就之物

其衣服以九為節侯伯七命其衣服以七

命其衣服以五為節王之三公八命其卿

命及其出封皆加一等其衣服亦如之

皮帛眡小國之君其卿三命其大夫再

命其士一命其衣服各眡其命之數侯伯之卿大夫士

書名 禮書一百五十卷 宋刊元修

本宋陳祥道撰
卷六十五
經禮三禮總義 宋
貴重 8
A259500

東洋文化研究所漢籍目錄 編號: A259500
東洋文化研究所漢籍目錄所藏漢籍善本文影像資料庫 索書號: 貴重-8
漢籍善本文影像資料庫 文本禮書一百五十卷 宋刊元修本
版權所有: 東京大學 東洋文化研究所
使用上的注意事項

彩色首頁1

分類
索書號
編號

撰者
卷

體少儀大牢少牢則以左肩為歸胙右肩以祭特牲士
虞喪祭反吉用左則周之吉禮皆用右也鄭氏釋特豚
合升之文謂凡牲皆用左胙不知何據云然

醴賓

既冠乃醴賓以一獻之禮酬賓束帛儷皮贊者比焉
贊冠者為介蓋君子之於人勞之必有以禮之故昏
禮饗送者鄉飲司正祭禮賓尸冠禮醴賓其義一
也士醴賓以一獻之禮公醴賓則三獻之禮故家語
曰以鄉為賓其禮則如士以三獻之禮也

禮書卷第六十四終

納采

問名

納吉

納徵

請期

親迎

禮大宗伯以冠婚之禮親成男女大司徒荒政十曰
昏黨正凡其黨之昏冠教其禮事媒氏掌萬民之判
男女自成名以上皆書年月日名焉令男三十而娶
二十而嫁凡娶判妻入子者皆書之中春之月令會

於是時也奔者不禁若無故而不用令者罰之司
之無夫家者而會之凡嫁女娶妻純帛無過五兩
意葬者與嫁殯者凡男女之陰訟聽之于勝國之社其
刑者歸之于士遂人以樂音授吐典瑞穀圭以和難
女玉人穀圭七寸天子以聘女大璋諸侯以聘女
曲禮三十曰壯有室女子許嫁纓非有大故不入
娶妻不娶同姓買妾不知其姓則卜之男女非有
不相知名非受幣不交不親故日月以告君齊戒
鬼神為酒食以召鄉黨僚友以厚其別也賀娶妻
其子使其某聞子有客使其羞不并主人者納女於天
備百姓於國君曰備酒漿於大夫曰備掃灑正義
九年夏季孫行父如宋致女此云納女故注云納
女也知婿不親迎嫁女之家使人致女者以成

所圖
書

年二月伯姬歸於宋時宋公不親迎故魯季孫行父
宋致女是也而天子亦有親迎以否者異義云戴禮
說天子親迎左氏說天子不親迎使上卿迎之諸侯亦
不親迎使上大夫迎之鄭駁異義云文王娶大妣親迎
渭又引孔子荅哀公合二姓之好以繼先聖之後以
為天地宗廟社稷之主冕而親迎君何謂已重乎此天
子諸侯有親迎也若不親迎則宜致女云備百姓也魯
子問昏禮既納幣有吉日女之父母死則如之何孔子
答婿使人弔如婿之父母死則女之家亦使人弔父喪
稱父母喪稱母父母不在則稱伯父世母婿已葬婿之
父母致命女氏曰某之子有父母之喪不得嗣為兄弟
某致命女氏許諾而弗敢嫁禮也婿免喪女之父母
人請婿弗取而后嫁之禮也女之父母死婿亦如之

子問曰親迎女在塗而壻之父母死如之何孔子曰
改服布深衣縞總以趨喪女在塗而女之父母死則
及如壻親迎女未至而有齊衰大功之喪則如之何
孔子曰男不入改服於外次女入改服於內次然後即
位而哭曾子問曰除喪則不復昏禮乎孔子曰祭過時
不祭禮也又何反於初孔子曰嫁女之家三夜不息燭
相離也取婦之家三日不舉樂思嗣親也三月而廟
稱來婦也擇日而祭於禰成婦之義也曾子問曰女
不廟見而死則如之何孔子曰不遷於祖不祔於皇姑
有柩不葬不次歸葬于女氏之黨示未成婦也曾子
問曰娶女有昏日而女死如之何孔子曰三月而葬
葬而除之

之齊終身不改故夫死不嫁男親迎男先於女剛柔
義也天先乎地君先乎臣其義一也執摯以相見
別也男女有別然後父子親父子親然後義生義生然
後禮作禮作然後萬物安無別無義禽獸之道也壻親
衛授綏親之也親之也者親之也敬而親之先王之所
以得天下也出乎大門而先男帥女女從男夫婦之義
自此始也婦人從人者也幼從父兄嫁從夫夫死從子夫
也者夫也夫也者以知帥人者也玄冕齋戒鬼神陰陽
也將以為社稷主為先祖後而可以不敬乎共牢而食
同尊卑也故婦人無爵從夫之爵坐以夫之齒器用陶
匏尚禮然也三王作牢用陶匏厥明婦盥饋舅姑亦食
婦餼餘私之也舅姑降自西階婦降自阼階授之室也

昏禮不用樂幽陰之義也樂陽氣也昏禮不賀人之序也大傳曰其庶姓別於上而咸單於下婚姻可以通乎繫之以姓而弗別綴之以食而弗殊雖百世而婚姻不通周道然也雜記大功之末可以冠子可以嫁子父小功之末可以冠子可以嫁子可以娶婦已雖小功既卒哭可以冠娶妻下殤小功則不可納幣一束束五兩而五尋婦見舅姑兄弟姊妹皆立于堂下西面北上是見已見諸父各就其寢女雖未許嫁年二十而笄禮之婦人執其禮燕則鬢首經解曰婚姻之禮廢則夫婦之道苦而淫辟之罪多矣哀公問孔子曰非禮無以別男女父子兄弟之親婚姻跡數之交也大婚為大大婚至矣夫婚既至冕而親迎親之也親之也者親之也哀公曰寡人願有言然冕而親迎不已乎孔子慨然作色

而對曰合二姓之好以繼先聖之後以為天地宗廟社稷之主君何謂已重乎公曰寡人固不固焉得聞此言也寡人欲問不得其辭請少進孔子曰天地不合萬物不生大婚萬世之嗣也君何謂已重焉孔子遂言曰內以治宗廟之禮足以配天地之神明出以治直言之禮足以立上下之敬物恥足以振之國恥足以興之為政先禮禮其政之本歟坊記男女無媒不交無幣不相見恐男女之無別也以此坊民民猶有自獻其身子云婚禮婿親迎見於舅姑舅姑承子以授婿婿恐事之違也以此坊民民猶有不至者婚義曰婚禮納采問名納吉納徵請期皆主人筵几於廟而拜迎於門外入揖讓而升聽命於廟所以敬慎重正婚禮也父親醮子而命之迎男先於女也子承命以迎主人筵几於廟而拜迎于門外

壻執鴈入揖讓升堂再拜奠鴈蓋親受之於父母也降
出御婦車而壻授綬御輪三周先俟于門外婦至壻揖
婦以入共牢而食合卺而醕所以合體同尊卑以親之
也夙興婦沐浴以俟見質明贊見婦於舅姑婦執箕棗
栗股脩以見贊醴婦婦祭脯醢祭醴成婦順也舅姑入室
婦以特豚饋明婦順也厥明舅姑共饗婦以一獻之禮
奠酬舅姑先降自西階婦降自阼階以著代也是以古
者先嫁三月祖廟未毀教于公宮祖廟既毀教于宗室
教以婦德婦言婦容婦功教成祭之牲用魚芼之以蘋
藻所以成婦順也詩桃夭曰后妃不妬忌則男女以正婚
姻以時國無鰥民也鵲巢夫人之德也曰之子于歸百
兩御之百兩將之百兩成之標有梅男女及時也野有
死麋曰茅包之有女懷春吉士誘之何彼襁矣羨王姬

也雖則玉姬亦下嫁於諸侯車服不繫其夫下王后一等

頭人其頰衣錦娶衣國君夫人翟衣而嫁今衣錦者在塗之服也四杜有驕朱幘

鑣鑣翟芾以朝有狐刺時也古者國有凶荒則殺禮而

多昏會男女之無夫家者所以育人民也羊刺亂也婚

姻之道缺陽倡而陰不和男行而女不隨衣錦娶衣裳

錦娶裳庶人之妻嫁服也上妻緇衣纁緹著刺時也時不親迎也俟我於著

乎而充耳以素乎而服士之俟我於庭乎而充耳以青

乎而之服也俟我於堂乎而充耳以黃乎而人君之綢

繆刺晉亂也國亂則婚姻不得其時焉東門之楊刺時

也婚姻失時男女多違親迎女猶有不至者也大明文

定厥祥親迎于渭造舟為梁不顯其光天子造舟諸侯維舟大夫方舟士特舟

韓奕曰韓侯迎止于蹶之里諸娣從之祁祁如雲春秋

隱八年鄭公子忽如陳逆婦媯先配後祖鍼子曰是不

為夫婦誣其祖矣非禮也何以能育莊公二十四年夏
公如齊逆女秋哀姜至公使宗婦覲用幣非禮也御孫
曰男贄大者玉帛小者禽鳥以章物也女贄不過榛栗
棗脩以告虔也今男女同贄是無別也男女之別國之
大節也而由夫人亂之無乃不可乎文四年夏逆婦姜
于齊卿不行非禮也君子是以知出姜之不允於魯也
曰貴聘而賤逆之君而卑之立而廢之弃信而壞其主
在國必亂在家必亡不允且哉詩曰畏天之威于時保
之敬主之謂也七年穆伯為襄仲于莒聘焉穆伯如莒
涖盟且為仲逆及鄆陵登城見之姜自為娶之仲請攻
之宣元年春公子遂如齊逆女魯君命也三月遂以夫
人婦姜至自齊尊夫人也成八年夏宋公使公孫壽來
納幣禮也衛人來媵共姬禮也凡諸侯嫁女同姓媵之

異姓則否昭元年春楚公子圍聘于鄭且娶於公孫段
氏伍舉為介將入館鄭人惡之使行人子羽與之言乃
詭於外既聘將以衆逆子產患之使子羽辭曰以敝邑
褊小不足以容從者請墮聽命命太宰伯州犁對曰
圖布几筵告於莊共之廟而來若野賜之是委君貺於
草莽也是寡大夫不得列於諸卿也唯大夫圖之鄭徐
吾犯之妹美公孫楚聘之矣公孫黑又使強委禽焉犯
懼告子產子產曰是國無政非子之患也唯所欲與犯
請於二子請女擇焉皆許之子皙盛飾入布幣而出子
南戎服入左右射超乘而出女自房觀之曰子皙信美
矣抑子南夫也夫夫婦婦所謂順也適子南氏子皙怒
欲殺之子南執戈逐之子皙傷而歸二年四月韓須如
齊逆女齊陳無宇送女致少姜少姜有寵於晉侯晉侯

謂之少齊謂陳無宇非卿執諸中都少姜為請曰送從
逆班畏大國也猶有所易是以亂作三年齊侯使晏嬰
請繼室於晉曰寡君使嬰曰寡人願事君朝夕不倦不
腆先君之適以備內官焜耀寡人之望則又無祿早世
隕命寡人失望君若不忘先君之好惠顧齊國辱收寡人
微福於大公丁公照臨敝邑鎮撫其社稷則猶有先君
之適及遺姑姊妹若而人君若不弃敝邑而辱使董振
擇之以備嬪嬙寡人之望也韓宣子使叔向對曰寡
君之願也寡君不能獨任其社稷之事未有伉儷在纒
經之中是以未敢請君有辱命惠莫大焉若惠顧敝
邑撫有晉國賜之內主豈唯寡君舉群臣實受其貺昭
三晉韓宣子如楚送女叔向為介及楚楚子朝其大
夫曰晉吾仇敵也苟得志焉無恤其他遠啓疆曰晉之

事君臣曰可矣求諸侯而糜至求婚而薦女君親送之
上卿及上大夫致之猶欲取之君其亦有備矣不然宗
何楚子終厚禮之成十一年聲伯之母不聘穆姜曰吾
不以妾為妣止聲伯而出之嫁於齊管子奚生二子而
寡以歸聲伯聲伯以其外弟為大夫而嫁其外妹於施
孝叔卻擊來聘求婦於聲伯聲伯奪施氏婦以與之婦
人曰鳥獸猶不失儷子將若何曰不能死二婦人遂行
生二子於郤氏郤氏三晉人歸之施氏施氏逆諸河沈
其二子婦人怒曰已不能庇其伉儷而亡之又不能字
人之孤而殺之將何以終遂誓施氏襄十二年靈王求
后于齊齊侯問對於晏相子相子對曰先王之禮辭
有之天子求后於諸侯諸侯對曰夫婦所生若而人妾
婦之子若而人無女而有姊妹姊妹則曰先守其公

之遺女若而人齊侯許婚王使陰里結之哀十二年昭
公夫人孟子卒昭公娶于吳故不書姓死不赴故不稱
夫人不反哭故不言葬小君二十四年公子荆之母嬖
將以為夫人使宗人費夏獻其禮對曰無之公怒曰女
為宗司之夫人國之大禮也何故無之對曰周公及武
公娶於薛孝惠娶於商自相以下娶於齊此禮也則有
皆以妾為夫人則固無其禮也公卒立之而以荆為木
子國人始惡之公羊隱二年紀獲綸來逆女何以不稱
使婚禮不稱主人然則曷稱稱諸父兄師友宋公使公
孫壽來納幣則其稱主人何辭窮也辭窮者何無母也
然則紀有母乎曰有有則何以不稱母母不通也外逆
女不書此何以書誠始不親迎也始不親迎訪於此乎
前此矣前此則曰為始乎此託始焉爾春秋之始也又

曰女在其國稱女在塗稱婦入國稱夫人伯姬歸于紀
其言歸何婦人謂嫁曰歸相三年公子翬如齊逆女齊
侯送姜氏于謹何以書譏諸侯越境送女非禮也比入
國矣何以不稱夫人自我言齊父母之於子雖為鄰國
夫人猶曰吾姜氏八年祭公來遂逆王后于紀遂者何
生事也大夫無遂事此其言遂何成使乎我也其成使
乎我奈何使我為媒可則因用是往逆矣女在其國稱
女此其稱王后何王者無外其辭成矣九年春紀季姜
歸于京師其辭成矣則其稱紀季姜何自我言紀父母
之於子雖為天下后猶曰吾季姜莊元年單伯逆王姬
何以不稱使天子召而使之也逆之者何使我主之也
曷為使我主之天子嫁女乎諸侯必使諸侯同姓者主
之諸侯嫁女于大夫必使大夫同姓者主之秋築王姬

之館于外築之禮也于外非禮也于外何以非禮築于外非禮也其築之何以非禮主王姬者必為之改築於路寢則不可小寢則嫌群公子之舍則以卑矣其道必為之改築者也二十四年夫人姜氏入其言入何難也其難奈何夫人不能不可使入與公有所約然後入大夫宗婦覲用幣用者不宜用也見用幣非禮也然則曷用棗栗云乎服脩云乎二十七年杞伯姬來其言來何直來曰來大歸曰來歸莒慶來逆叔姬何以書幾大夫越境逆女非禮也僖八年禘于大廟用致夫人用者不宜用也致者不宜致也禘用致夫人非禮也夫人何以不稱姜氏貶譏以妾為妻也其言以妾為妻奈何蓋魯于齊媵女之先至者也九年伯姬卒此未適人何以不嫁矣婦人許嫁字而笄之死則以成人之禮

一年杞伯姬來求婦其言來求歸何兄弟辭也其稱婦何有姑之辭也文二年公子遂如齊納幣譏喪娶也娶在三年之外何譏乎喪娶三年之內不圖婚吉禘于莊公譏然則曷為不祭焉譏三年之恩疾矣非虛加之也以人心為皆有之以人心為皆有之則曷為獨於娶焉譏娶者大吉也非常吉也其為吉者主於已以為有人心焉者則宜於此焉變矣四年逆婦姜于齊何略之也高子曰娶乎大夫者略之也八年宋人殺其大夫司馬宋司城來奔司馬司城皆官舉也為皆官舉宋三世無大六三世內娶也十五年齊人來歸子叔姬其言來何閔之也此有罪何閔爾父母之於子雖有罪猶若其不欲服罪然十八年夫人姜氏歸于齊成八年衛人來媵媵不書此何以書錄伯姬也九年杞伯來逆叔姬之喪

以歸內辭也齊而歸之伯姬歸于宋季孫行父如宋致女夫有言致女者此其言致女何錄伯姬也晉人來賸錄伯姬也襄十五年劉夏逆王后于齊外逆女不書此何以書過我也穀梁相三年公子翬如齊逆女逆女親者也使大夫非正也齊侯送姜氏于謹禮送女父不下堂母不出祭明諸母兄弟不出開門父戒之曰謹慎從爾舅之言母戒之曰謹慎從爾姑之言諸母般申之曰謹慎從爾父母之言送女踰境非禮也公會齊侯于謹無譏乎曰為禮也齊侯來也公之逆而會之可也夫人姜氏至自齊其不言翬之以來何也公親受之于齊侯也子貢曰冕而親迎不已重乎孔子曰合二姓之好以繼萬世之後何謂已重乎八年祭公來遂逆王后于紀其不言會焉何也不正其以宗廟之大事即謀於我故弗與也

遂逆事之辭也其曰遂逆王后故略之也或曰天子無外王命之則成矣九年紀季姜歸于京師為之中者歸之也十八年公會齊侯于濼公與夫人姜氏遂如齊濼之會不言及夫人何也以夫人伉弗稱數也莊元年單伯逆王姬其不言如何也其義不可受於京師也曰躬君弒於齊使之主婚姻與齊為禮其義固不可受也築王姬之館于外主王姬者必自公門出於廟則已尊於寢則已卑為之築節矣築之外變之正也築之外變之為正何也仇雠之人非所以接婚姻也衰麻非所以接弁冕也其不言齊侯之來逆何也不使齊侯得與吾為禮也十九年公子結賸陳人之婦于鄆遂及齊侯宋公盟賸淺事也不志此其志何也辭要盟也何以見其辭要盟賸禮之輕者也盟國之重也以輕事遂乎國重無

說其曰陳人之婦略之也其不日數渝惡之也夫人姜氏如莒婦人既嫁不踰境踰境非正也二十二年公如齊納幣納幣大夫之事也禮有納采有問名有納幣有告期四者備而後娶禮也公之親納幣非禮也故譏之二十四年公如齊逆女親迎恒事也不忘此其志何也正其親迎於齊也公至自齊迎者行見諸舍見諸先至非正也夫丑姜氏入內弗受也日入惡入者也何用不受也宗廟弗受也娶仇人子弟以薦舍於前其義不可受也大夫宗婦覲用幣禮大夫不見夫人不言及不正其行婦道故列數之也男子之贄羔鴈雉居婦人之贄棗栗腹脩用幣非禮也大夫國體也而行婦道惡之故謹而日之也二十七年莒慶來逆叔姬諸侯之嫁子於大夫主大夫以與之來者接內也不正其接內故不與

夫婦之禮也文曰逆婦姜子齊為三禮成之也其逆者誰稱逆而稱婦或者公與何其速婦之也曰公也其不言公非成禮於齊也曰婦有姑之辭也言氏黑疑也人與有賤也十二年子叔姬卒其曰子叔姬貴也公之母姊妹也其一傳曰許嫁以卒之也男子二十而冠冠而列丈夫三十而娶女子十五而許嫁二十而嫁成十四年僑如以夫人婦姜氏至自齊大夫不以夫人以夫人非正也刺不親迎也僑如之挈由上致之也春秋相八年祭公來遂逆王后于紀襄十五年劉夏逆王后于齊啖子曰古儒者或言天子當親迎或言不當親迎二說不明未敢定也然春秋所載皆譏也趙子曰康成據毛詩義以文王親迎為證據文王乃非天子不可為證考之大體固無自逆之道王者之尊海內莫敵故嫁女

即使諸侯主之適諸侯諸侯莫敢有其室若屈萬乘之尊而行親迎之禮即何莫敢敵之有乎曰夫子對哀公云為天地社稷宗廟之主非謂天子乎荅曰魯有郊天地之禮故云爾何得言天子乎相三年公子翬如齊逆女莊二十四年夏公如齊逆女文四年夏逆婦姜于齊宣元年公子遂如齊逆女成十四年秋叔孫僑如如齊逆女啖子曰諸侯親迎皆常事不書穀梁云親迎常事不志是也公子翬公子遂叔孫僑如為君逆夫人皆以非禮翬遂公子而行昏禮尤不可也左氏以卿逆為合禮殊誤矣公穀並云譏不親迎莊十九年秋公子結媵陳人之婦于鄆遂及齊侯宋公盟成八年衛人來媵九年晉人來媵十年齊人來媵啖子曰凡媵常事不書公子結為遂事起在也三國來媵非禮也穀書公羊亦不書穀梁去媵淺事也不志此說實是

女同姓媵之異姓則不若然則言姓已同姓至少如嫁女孰為媵乎恐此禮不合勝則成十年直云齊人來媵足知非禮也衛晉乎所以先書二國者明九女已足而又來媵為失禮非謂譏異姓來媵其義甚明

婚有六禮納采問名納吉納徵請期親迎而納采者擇其族類問名者詢其誰氏問名然後卜之故納吉納吉則其禮成矣故納徵然則納采問名同一使納吉納徵請期皆異使納采問名納吉請期以禽贄納徵以圭璋皮帛由徵以前慮其或不受也故皆言納既納徵則聽命而已故於期言請焉曲禮曰日月以告君齋戒以告鬼神春秋

之時楚公子娶於鄭曰告於莊共之廟而來鄭公子
忽先配後祖君子譏之故士婚禮既納采問名然後
歸卜於禰既卜然後納吉而卜常在告廟之日禮記
曰卜郊受命于祖廟作龜于禰宮尊祖親考之義也
鄭氏謂受命退乃卜卜婚之禮蓋亦如之然則告廟
始於納采問名之後矣白虎通曰娶妻告廟者示不
必人女此臆說也異議云戴禮說天子親迎左氏說
天子不親迎上卿迎之諸侯亦不親迎使上大夫迎
鄭駁異義云文王娶大妣親迎於渭又孔子答哀公
言二姓之好以繼先聖之後以為天地宗廟社稷之
主冕而親迎何謂已重乎此天子諸侯有親迎也然
考之於經著之詩刺不親迎而充耳以黃者人君之
禮又文王迎于渭韓侯迎于蹕而春秋紀裂繻來迎

女公羊曰譏不親迎也公子翬如齊逆女穀梁曰逆
女親者也使大夫非正也莊公如齊逆女穀梁曰
親迎常事也不志此其志何不正其親迎於齊也凡
此皆言諸侯親迎之禮若天子則不然趙氏曰王者
之尊海內莫敵故嫁女則使諸侯主之適諸侯諸侯
莫敢有其室若屈萬乘之尊而行親迎之禮則何莫
敢敵之有乎夫子對哀公曰為天地社稷宗廟之主
以魯有郊祀天地之禮故云爾非為天子發也左氏
謂諸侯不親迎公羊謂天子亦親迎其說不能全與
經合當從趙氏之論為正漢惠帝納后納采鴈璧乘
馬束帛聘黃金二萬斤十二匹其後相帝納后悉依
其故事北齊皇帝納后之禮納采至納徵訖告圓丘
方澤及廟是日皇帝臨軒命太尉為使司徒副之持

不許複製

NOT TO BE REPRODUCED

東京大学東洋文化研究所

節詒后行宮東向奉璽綬唐皇帝納后卜日告天地
並如開元禮然皆不聞有親迎者蓋其傳襲於古然
也

納采問名

禮言婚禮下達而繼之以納采納采辭曰吾子有惠
既室某也某有先人之禮使某也謀納采則納采之
前已達其言矣納采於廟賓受主人鴈訖降出擯者
出請賓執鴈請問名入授如初禮擯者出請醴賓主
人迎于廟門外揖讓如初一使而二鴈三入廟而再
迎之則問名因於納采故其禮略也士昏贄用鴈者
不以死贄亦攝盛也觀其所乘大夫之墨車所衣助
祭之爵弁而女必以純衣纁禘必用鮮魚必殺全
則攝贄以鴈不為過也鄭氏曰用鴈取其順陰陽求
往理必不然

納吉納徵

士納吉用鴈如納采禮納徵玄纁束帛鹿皮如納吉
禮鄭氏曰徵成也使使者納幣以成昏禮用玄纁者
象陰陽備也束帛十端也周禮曰凡嫁子娶妻入幣
純帛無過五兩儷兩也執束帛以致命兩皮為庭實
皮鹿皮釋周禮曰純實緇字也古緇以才為聲士大
夫乃以玄纁束帛天子加以穀圭諸侯加以大璋雜
記曰納幣一束束五兩兩五尋然則每端二丈賈公
彥曰庶人用緇無纁其大夫無冠礼有婚禮若試為
大夫及幼為大夫者依士禮若五十而爵改娶者婚
禮云纁及鹿皮則同於士餘有異者無文以言之也
然考之於史曰錦繡千純蘇秦又曰文繡千純張儀

則純匹端也周禮所謂純帛乃匹帛也鄭改以爲緇
誤矣匹帛無過五兩則庶人不必五兩大夫士不得
過焉非謂庶人用緇大夫用玄纁也先王之制婚禮
其用財不過如此則婦之所飾可知矣以爲合二姓
之好上以事宗廟下以繼後世而不在財也是以梁
鳴鄙孟光之綺繡袁瑰却馬倫之囊裝王通亦曰婚
娶論財夷虜之道也後世之俗有以金幣相高蓋不
知此

請期

納采以至納徵主人不辭而請期辭者以期在夫家
而不在主人也請期曰吾子有賜命某既申受命矣
惟是三族之不虞使其以請吉日蓋惟父之昆弟已
與子之昆弟無死喪之凶然後可以行礼焉其言也

親迎

三族而不及母妻之黨者雜記曰大功之末可以
冠子嫁子妻之父母小功也故不避焉

將迎則齊戒居外鬼神陰陽也及期則初婚之時父
醮而命之曰往迎爾相我宗事勉帥以敬先妣之
嗣子諾乃行至于門外主人筵于戶西西上右凡女
立于房中南面主人迎于門外賓執鴈從至于廟門
揖入升階奠鴈稽首降出婦從降自西階主人不降
送壻御婦車授綏婦乘以几壻先俟于門外此所謂
男帥女從男夫婦之義由此始也納幣必以使而
春秋之時有親行之者莊公如齊納幣是也逆女必
親而春秋之時或以使公子翬公子遂如齊逆女是
也應親而不親不應親而親之此春秋所以譏耳禮

必親迎若不親迎則有婦入三月壻見之儀存焉

禮書卷第六十五終

禮書卷第六十六

昏禮

婦見舅姑禮

醴婦饗婦禮

舅姑饗送者

媵姪娣

致女

還車之禮

昏姻之時

昏禮

婦見舅姑禮

士昏禮夙興婦沐浴纓弁宵衣以俟見質明贊見婦于舅姑席于阼舅即席而于房外南面姑即席婦執